



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 07-3-02-1629- 2-1/15
Sarajevo, 07.10.2015. godine

Na osnovu člana 69. stav (2) tačka d) i člana 70. st. (1), (2), (4) i (6), Zakona o javnim nabavkama („Službeni glasnik BiH“ broj 39/14), a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 61. stav 2. Zakona o upravi („Službeni glasnik BiH“ br. 32/02 i 102/09), Ministar vanjske trgovine i ekonomskih odnosa Bosne i Hercegovine, je donio

O D L U K U
o poništenju postupka javne nabavke
usluga servisiranja vozila „Škoda“ - LOT 1

I

Ovom Odlukom, na prijedlog Komisije za javne nabavke Ministarstva vanjske trgovine i ekonomskih odnosa BiH (u daljem tekstu: Komisija) poništava se konkurentski postupak nabavke usluga servisiranja vozila „Škoda“ LOT 1, iz razloga jer jedina primljena ponuda nije prihvatljiva.

II

Za realizaciju ove Odluke zadužuje se Sektor za pravne i opće poslove, Odsjek za materijalno finansijske poslove Ministarstva vanjske trgovine i ekonomskih odnosa Bosne i Hercegovine.

III

Ova Odluka stupa na snagu danom donošenja.

O b r a z l o ž e n j e

Ministarstvo vanjske trgovine i ekonomskih odnosa Bosne i Hercegovine (u daljem tekstu: Ugovorni organ) je dana 25.05.2015. godine, Odlukom broj 07-3-02-1629/15, pokrenulo konkurentski postupak za nabavku usluga servisiranja vozila u tri lota („Škoda“ - LOT 1, „Toyota“ - LOT 2 i „Opel“ - LOT 3) i isti je dana 03.09.2015. godine, broj 673-7-2-6-3-6/15, objavljen na portalu javnih nabavki Agencije za javne nabavke BiH. Poziv za dostavljanje ponuda je isti dan poslan na tri adrese.

U ostavljenom krajnjem roku za dostavljanje ponuda Ugovorni organ je, za nabavku usluga servisiranja vozila „Škoda“ - LOT 1, blagovremeno zaprimilo jednu ponudu ponuđača TRIAB d.o.o. Sarajevo, ul. Alipašina bb, 71000 Sarajevo.

Nakon evaluacije ponuda Komisija je konstatovala, Izvještaj i preporuka broj KJN-interno/15 od 17.09.2015. godine, da navedena ponuda ne ispunjava formalnopravne i tehničke uslove navedene u tenderskoj dokumentaciji iz sljedećih razloga:

1. Nije ispunjen uslov iz tačke 4 tenderske dokumentacije „Uslovi za kvalifikaciju“ tj. nije dostavljen spisak minimalno dva izvršena ugovora u prethodne dvije godine koji za predmet imaju uslugu servisa vozila, uz obavezno dostavljanje potvrda o njihovoj realizaciji koje daje druga ugovorna strana (naručilac);
2. Nije ispunjen uslov iz tačke 6 tenderske dokumentacije „Način dostavljanja ponude“ obzirom da ponuđač nije dostavio kopiju ponude traženu u navedenoj tački.

Shodno navedenom, Komisija je u skladu sa članom 69. stav (2) tačka d) Zakona o javnim nabavkama dala preporuku da se u predmetu nabavke usluga servisiranja vozila „Škoda“ LOT 1 donese odluka o poništenju postupka nabavke jer jedina primljena ponuda nije prihvatljiva.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se u pisanoj formi izjaviti žalba, najkasnije u roku od 5 dana po prijemu Odluke. Žalba se podnosi Ugovornom organu.


MINISTAR
Mirko Sarović

Dostaviti:

- Sektoru za pravne i opće poslove
- a/a